



XALQ DEPUTATLARI O‘ZBEKISTON TUMANI KENGASHINING Q A R O R I

2025-yil 18-sentabr

VII-12-97-11-161-K/25

O‘zbekiston tumani

O‘zbekistontumanida to‘ylar, oilaviy tantanalar, ma’raka va marosimlar o‘tkazilishini tartibga solish tizimini yanada takomillashtirish to‘g‘risida

O‘zbekiston Respublikasi Oliy Majlisi Qonunchilik palatasi va O‘zbekiston Respublikasi Oliy Majlisi Senatining 2019-yil 14-sentabrdagi “To‘ylar, oilaviy tantanalar, ma’raka va marosimlar o‘tkazilishini tartibga solish tizimini yanada takomillashtirish to‘g‘risida”gi 2736-III/KQ-592-III-son Qo‘shma qarori ijrosini ta’minlash hamda tumanda to‘ylar, oilaviy tantanalar, ma’raka va marosimlar o‘tkazishni ixchamlashtirish, namunali oilaviy tadbirlar o‘tkazilishini tashkil etish va ushbu masalada targ‘ibot-tashviqot ishlarini kuchaytirish maqsadida “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 24-moddalariga asosan xalq deputatlari tuman Kengashi

Q A R O R Q I L A D I:

1. O‘zbekiston Respublikasi Oliy Majlisi Qonunchilik palatasi va O‘zbekiston Respublikasi Oliy Majlisi Senatining 2019-yil 14-sentabrdagi 2736-III/KQ-592-III-son Qo‘shma qarori Rahbarlik va ijro uchun qabul qilinsin.
2. Tumanda to‘ylar, oilaviy tantanalar, ma’raka va marosimlar o‘tkazilishini tartibga solish yuzasidan xalq deputatlari tuman Kengashi huzurida to‘ylar, oilaviy tantanalar ma’raka va marosimlar o‘tkazilishini muvofiqlashtirish bo‘yicha tuman komissiyasi tarkibi ilovaga muvofiq tasdiqlansin.
3. O‘zbekiston Respublikasi Oliy Majlisi Qonunchilik palatasi va Oliy Majlis Senatining 2019-yil 14-sentabrdagi 2736-III/KQ-592-III-son Qo‘shma qarori bilan tasdiqlangan Nizom talablariga asosan, tumanda to‘ylar, oilaviy tantanalar, ma’raka va marosimlar o‘tkazilishini tartibga solish yuzasidan xalq deputatlari tuman Kengashi huzurida to‘ylar, oilaviy tantanalar ma’raka va marosimlar o‘tkazilishini muvofiqlashtirish bo‘yicha tuman komissiyasining maqsad va vazifalari quyidagi tartibda belgilansin:

tuman hududida o'tkaziladigan to'ylar, ma'raka va marosimlar, oilaviy unga doir boshqa tadbirlarga jamoatchilik nazoratini o'rnatish hamda to'y va marosim egalari bilan ixcham, isrofgarchiliksiz va belgilangan talablar asosida, o'tkazish bo'yicha tushuntirish ishlarini olib borish;

keng jamoatchilik vakillarini jalb qilgan holda, mazkur tadbirlarni tartibga solish hamda ixcham va milliy qadriyatlar, urf-odatlar va an'analar asosida o'tkazish bo'yicha aholi o'rtasida targ'ibot ishlarini amalga oshirish;

mazkur tadbirlarni amalga oshirishda ijtimoiy tabaqalanishga yo'l qo'ymasdan o'tkazish bo'yicha jamoaviy suhbatlar tashkil etish;

ushbu tadbirlarni o'tkazishni rejalashtirgan oila vakillari bilan, ayniqsa, nikohning ilk davrlarida er-xotin va ularning ota-onalari o'rtasidagi munosabatlarni mustahkamlash borasida suhbatlar tashkil etish;

xotin-qizlarga mazkur tadbirlarni kamxarj qilib o'tkazishni, ularda ortiqcha isrofgarchilikka berilish oila iqtisodiga va yosh oilaning mustahkamligiga salbiy ta'sir ko'rsatishini hayotiy misollar orqali keng tushuntirish;

turmush qurish arafasida turgan yoshlar bilan ijtimoiy-psixologik suhbatlar uyushtirishi, ularni oilaviy hayotga tayyorlashi, mazkur tadbirlarni ixcham va isrofgarchiliksiz o'tkazish bo'yicha targ'ibot ishlarini olib borishi bo'yicha ishlarni amalga oshirish tavsiya etilsin.

4. To'ylar, oilaviy tantanalar, ma'raka va marosimlar faqat bir kun (*dafn etish marosimi bundan mustasno*) soat 06:00 va 23:00 oralig'ida o'tkazish, soat 23:00 dan keyin to'ylar, oilaviy tantanalar, ma'raka va marosimlarni davom ettirishga yo'l qo'yilmaslik;

to'ylar, oilaviy tantanalar, ma'raka va marosimlarda 200 nafargacha, mazkur tadbirlar munosabati bilan osh berish marosimida 250 nafargacha kishi qatnashishi;

qo'shaloq to'ylarda 250 nafargacha, u bilan bog'liq osh berish marosimida 300 nafargacha kishi qatnashishi mumkinligi;

nikohni davlat ro'yxatidan o'tkazish, kelin-kuyovning to'yxonaga kelishi va ketishi bilan bog'liq oilaviy tadbirlarda 3 tadan ko'p bo'lgan yengil avtomashinadan yoki jamoat xavfsizligiga tahdid soluvchi boshqa transport vositalaridan foydalanmaslik (*to'y egalarining shaxsiy avtomashinalaridan hamda homiylar yordamida jalb etilgan avtotransport vositalaridan foydalanilgan hollar bundan mustasno*);

dafn etish va motam marosimlari ko'pi bilan uch kun mobaynida cheklanmagan miqdordagi fuqarolar ishtirokida o'tkazilishi mumkin (*osh berish marosimi bundan mustasno*).

5. Ushbu Kengash qarori bilan aholini tanishtirish maqsadida tumandagi barcha mahallalari, aholi yashash va mehnat jamoalari joylariga hamda restoran, oshxona, kafe va to'yxonalarda tadbirlarni o'tkazish tartib taomillarini alohida eslatma tarzida tayyorlanib qo'yilishi ta'minlansin.

Komissiya tomonidan amalga oshirilgan ishlar **har chorakda** keng muhokama qilib borilsin va bu haqida jamoatchilikka xabardor qilinsin.

6. Tuman bosh imom-xatibi A.Yuldashevga:

to'ylar, oilaviy tantanalar, ma'raka va marosimlarda diniy mavzuda ma'ruza ko'zda tutilgan bo'lsa, ushbu ma'ruza diniy tashkilotining vakolatli vakili tomonidan o'qilishi;

to'ylar, oilaviy tantanalar, ma'raka va marosimlar, xotiraga bag'ishlangan tadbirlarni ixcham o'tkazish va tadbirlarni dabdabali o'tkazish o'rniga mablag'ni kam ta'minlangan fuqarolarni moddiy qo'llab-quvvatlashga yo'naltirishni targ'ib qilish;

imom-xatiblar to'ylar va marosimlardagi ma'ruzalarida aholini e'tiborini yoshlar tarbiyasi, ota-onaning mas'uliyati, jamiyat hayotiga xavf solayotgan tahdidlarni oldini olish, tinchlik va mustaqillik ne'matini asrash, shukronalik tuyg'usini shakllantirish kabi masalalarga qaratishi tavsiya etilsin.

7. Tuman hokimining maslahatchisi F.Akbarov va tuman hokimligi matbuot kotibi D.Jabborov hamda Ma'naviyat va ma'rifat markazi tuman bo'limi G'.Akbarovga:

mazkur Kengash qarori e'lon qilinishi va to'ylar, oilaviy tantanalar, ma'raka va marosimlar va boshqa tadbirlarni tartibga solish masalalarini keng yoritish va targ'ibot ishlarini olib borish;

ommaviy axborot vositalari va ijtimoiy tarmoqlar orqali namunali to'ylar, oilaviy tantanalar, ma'raka va marosimlar haqida jamoatchilik fikrini shakllantirishi, ijtimoiy roliklar yaratishi, uslubiy qo'llanmalar va targ'ibot materiallarini tayyorlash;

to'ylar, oilaviy tantanalar, ma'raka va marosimlarda milliy qadriyatlarimizga yot bo'lgan "ommaviy madaniyat" unsurlari namoyon bo'lishining oldini olish maqsadida muntazam ma'naviyat-ma'rifiy targ'ibot ishlarini olib borilishini tashkil etish tavsiya etilsin.

8. Xalq deputatlari tuman Kengashi deputatlariga:

Ushbu Kengash qarorining mazmun-mohiyatini o'zlari saylangan saylov okruglaridagi hududlarda keng targ'ib qilish hamda qaror ijrosi yuzasidan jamoatchilik va deputatlik nazoratini o'rnatishlari aytib o'tilsin.

9. Mazkur Kengash qarorining ijrosini ta'minlab borishga mas'ul va shaxsiy javobgar etib tuman hokimining o'rinbosarlari M.Axmedov va Z.Sarimsaqova hamda Komissiyai a'zolari belgilansin.

Qaror bajarilishini nazorat qilish vazifasi xalq deputatlari tuman Kengashining “Ijtimoiy soha, yoshlar siyosati, madaniyat va sport masalalari bo‘yicha” hamda “Korrupsiyaga qarshi kurashish va xavfsizlik masalalari bo‘yicha” doimiy komissiyalari raislari X.Xakimova va M.Axmadjonov zimmasiga yuklansin.

Kengash raisi



BEGMATOV
RAVSHANBEK
BERDALIYEVICH

Tumanda to‘ylar, oilaviy tantanalar, ma’raka va marosimlar o‘tkazilishini tartibga solish yuzasidan xalq deputatlari tuman Kengashi huzurida to‘ylar, oilaviy tantanalar ma’raka va marosimlar o‘tkazilishini muvofiqlashtirish bo‘yicha

T U M A N K O M I S S I Y A S I T A R K I B I

1. X.Xakimova - xalq deputatlari tuman Kengashining “Ijtimoiy soha, yoshlar siyosati, madaniyat va sport masalalari bo‘yicha” doimiy komissiyasi raisi, *tuman komissiyasi rahbari*
2. M.Axmadjonov - xalq deputatlari tuman Kengashining “Korrupsiyaga qarshi kurashish va xavfsizlik masalalari bo‘yicha” doimiy komissiyasi raisi, *tuman komissiyasi rahbari o‘rinbosari*
3. Z.Sarimsaqova - tuman hokimi o‘rinbosari – oila va xotin-qizlar bo‘limi boshlig‘i, *tuman komissiyasi rahbari o‘rinbosari*
4. G‘.Akbarov - Ma’naviyat va ma’rifat markazi tuman bo‘limi rahbari, *tuman komissiyasi rahbari o‘rinbosari*
5. N.Eshmatov - xalq deputatlari tuman Kengashi kotibiyati mudiri
6. M.Axmedov - tuman hokimining yoshlar siyosati, ijtimoiy rivojlantirish va ma’naviy-ma’rifiy ishlar bo‘yicha o‘rinbosari
7. E.Nishonov - O‘zbekiston mahallalari uyushmasining tuman bo‘limi rahbari
8. N.Kenjayeov - tuman “Nuroniylar” jamg‘armasi boshlig‘i
9. G‘.Sahobiddinov - tuman Adliya bo‘limi boshlig‘i
10. S.Abdullayev - tuman Ichki ishlar bo‘limiboshlig‘i
11. *Lavozimiga ko‘ra* - tuman Yo‘l harakati xavfsizligi bo‘limi boshlig‘i
12. I.Muxitdinov - tuman “Inson” ijtimoiy xizmatlar markazi direktori
13. U.Fozilov - tuman soliq inspeksiyasi boshlig‘i
14. A.Usmonov - tuman Tibbiyot birlashmasi boshlig‘i
15. U.Razzoqov - Yoshlar agentligi tuman bo‘limirahbari
16. A.Yuldashev - tuman bosh imom-xatibi
17. B.Exsonov - tuman Madaniyat bo‘limi boshlig‘i
18. I.Maxkamov - tuman “Yaypan ovozi” gazetasi bosh muharriri, tuman hokimligi matbuot kotibi
19. S.Xazratqulova - tuman FHDYO bo‘limi mudirasi
20. F.Akbarov - tuman hokimining maslahatchisi, *tuman komissiyasi kotibi*

Izoh: komissiya a‘zolari boshqa ishga o‘tgan taqdirda, uning tarkibiga ushbu lavozimlarga yangidan tayinlangan shaxslar kiritiladi.